





Hallo Albatros,

Kan julle glo Oktober maand is hier? Ons het so stukkie van somer beleef die afgelope naweek en dit was heerlik al was dit van korte duur. Ek weet nie of julle soos ek voel nie, maar ek dink die jaar het die betere van my gehad. Ek sien nogal baie uit na die einde van die jaar se rus kans. Voor ons egter daar kom, moet ons nog eers bietjie inspan en aangaan. Hulle sê Oktober is een van die moeilikste maande van die jaar, ja selfs moeiliker as Januarie. Dit is nie omdat jy teruggekom het van verlof af en weer moet werk nie, maar omdat jy die hele jaar gewerk het en dit amper vakansie tyd is. Dit is nou daardie laaste trek tot bo-op die berg.

Ons het omtrent lekker gewoel met die 100+ wat Albatros aangebied het. Mense dit is nou vir jou pret, doen jouself 'n guns en kom by soveel kampe uit as moontlik sodat jy binnekort 'n 100 plus kan bywoon. Die pret is oneindigend!

Van die Onrus kamp gaan ek nie veel sê nie. Julle wat daar was weet dit was 'n hoogtepunt om daar te kamp en die van julle wat dit nie kon bywoon nie het omtrent uitgemis. Ek wil net weer van my kant af sê BAIE BAIE dankie vir almal se samewering met die deel van die plotte. Ek glo dit het die kuier gees sommer lekker aangehelp.

Die Kongres is om die draai! Ek en Esme is afgevaardig om dit by te woon en soos ouder gewoonte is daar sommer 'n klein toer hier rondom beplan met die Stramrode wat die pad saam met ons gaan aandurf. Hannelie en Christo is ook deel en ons sien baie uit na die kuier en lag langs die pad. Ek wil graag my dankbaarheid uitspreek dat Christo soveel beter is om ons te vergesel. Ek sal in November se nuusbrief meer terugvoer gee hieroor. Albatros het weer goed gevaaar vir die jaar en sodoende maak ons ons streek se merk deeglik in SAWA Nasional.

Daar is een kamp oor voor die Kerskamp te Holandsche Molen en dit is by Skurwekop. Die kampkennisgewing is reeds uitgestuur so maak seker julle laat weet vir Corne as julle gaan kamp. Gee ook asb jul selnommers, want dit word gebruik vir registrasie en om toegang by hek te kry. Corne se nommer vir die wat dit nie het nie is 082 466 2632.

Wanneer julle weer van my op die platvorm lees is ons in November. Pas julseft mooi op en wees veilig in alles wat julle aanpak en doen! Onthou die belangrikste, geniet wat ook al jy doen en doen dit met 'n smile!

Albatros Groete

Theo

# GEDAGTE VIR DIE DAG

Bring dit vir Hom - Hy maak dit heel

Bring jou leë vuil hande - Hy was dit  
silwerskoon

Bring jou wegloopvoete - Sy arms  
is wawyd oop

Bring jou lied oor gebarste lippe - Hy  
hoor jou melodie

Bring jou skreeuende hart vol vrae - Sy  
verstaan is oneindig groot

Bring jou tranen van smart - Hy draai dit  
om in hoop

Bring die wrakstukke van jou lewe - Hy  
maak alles nuut

Bring jou onstuimige gemoed - Hy maak  
die storm stil

Bring jou alles van niks - Hy is meer  
as genoeg vir jou



## ONRUS KARAVAANPARK ONRUS CARAVAN PARK

Die lang naweek van 21 - 24 September het ons gekamp te Onrusrivier.

SAWA Albatros het weereens bewys ons staan saam.

Vrydag het die karavane reeds van vroeg af ingestroom. Staanplek was beperk maar niemand het omgegee om te deel nie. Die vure het reeds van vroeg af gebrand en almal het gesellig daar rondom gekuier.

Louise het Saterdag geopen met boekevat en daarna het n groot klomp die walvisse gaan kyk.

Baie dankie aan Dries en Hester vir die vrugtefees en natuurlik die pons met 'n skop! Almal het dit gate uit geniet. Met die son wat sak het die vure weer hoog gebrand om 'n bietjie teen die koue te help.



Sondag het begin met voorsitterstee waarna Theo boekvat gedoen.....na n groooot misverstand tussen hom en Johan Jacobs :-). Op die gebruiklike manier het die nuwe bestuur vir die ou bestuur bederf en dankie gesê met 'n ete! Dankie aan almal wat gehelp het, veral vir Marieke en Corne. Alles het pragtig gelyk.



Maandagoggend het baie lede reeds vroeg begin pak met n swaar hart. Groot en klein het dit baie geniet. Onrus se bestuur was baie behulpsaam en ons sal graag weer daar kamp.

Ons was in totaal 39 wat gekamp het. Dit was opgemaak uit 33 Albatros lede en 6 gaste.

Albatros se totale ledetal is tans 102.


NB!!!

Dankie Corne Jenkins, Erna Venter en Francois Hugo vir die foto's. Dankie ook Corne Roux vir die opsomming van naweek se kamp.

Verdienste - Inagneming: Francois Hugo; Corne Jenkins, Wilma Wiese, Erna Venter

Kampleier: Dries en Hester Theart

Dankie aan al ons lede en ons gaste wat die naweek onvergeetlik gemaak het.



**Lief**

Christo Snyman sterk goed aan na sy operasie. Die pad na herstel is egter nog lank.

Sterkte vir al die studente wat met eksamen gaan begin.

**Leed:**

Jean-Marie Kotze se oupa is oorlede

Johlene van Eyk gaan in vir 'n operasie op 11 Oktober 2018

André van der Westhuizen moet weer terug hospitaal toe gaan

Jean Jansen van Rensburg se tannie is oorlede



# VERJAARSDAE

OKTOBER	
Lerouxna Potgieter	2
Stefan Smit	3
Zandro Stramrood	7
Okkie Toerien	8
Janine Hutchinson	9
Stefan Kuhn	10
Linda Potgieter	11
Christa Stramrood	11
Rene Rabe	14
Jacques van Niekerk	16
Johan Kotze	20
Joanne Toerien	22
Hanneke Visser	23
Janita Larcher	24
Alfred Hollis	27
Lourens Prinsloo	27
Wilma Jordaan	28





## **Corne se Pastapot**

1 pak pasta van jou keuse

1 koppie koring

Beide moet gaar wees

Dan braai jy uie knoffel en sampione en green pepper.

Sodra dit sag is meng jy die gaar pasta en gaar koring ook in.

Die biltong wat nog klam is kan nou bygevoeg word....die hoeveelheid is jou keuse!

Dan gooи jy jou room in....ek hou van hom souserig so ek gooи twee houers room in en roer deur.

Dan 250gr cheddar + 250 gr mozzarella en dan hou ons daarvan om n houer parmasan kaas ook deur te roer.

Indien hy te loperig is kan jy dit met n bietjie meelblom dikker maak!

Moenie sout en peper en aromat vergeet nie.





Maats hier is 'n lekker woordsoek. Kyk of julle al die woorde kan kry.

### Moses en die tien plae

L D P M S E T S D U O N	AARON	SLANG
Y S I E K T E S R G F Y	DONKERTE	SPRINKANE
D O N K E R T E L K J L	EGIPTE	STEEKVLIEE
S P R I N K A N E E T R	FARAO	SWERE
M U G G I E S P P R G I	ISRAELIETE	TREK
O J S W E R E S O T N V	KIERIE	VOLK
B F P A D D A S L S A I	MOSES	
I S R A E L I E T E L E	MUGGIES	
K I E R I E K L O V S R	NYLRIVIER	
V E T P I G E S E S O M	oudstes	
A J S T E E K V L I E E	PADDAS	
P N O R A A K O A R A F	SIEKTES	



**Die Bestuur nooi u hartlik uit na ons saamtrek te  
Skurwekop**  
**26 – 28 Oktober 2018**



### **KENNISGEWING**

**Naweektarief : R460 vir 2 persone**  
**R130 per addisionele persoon per nag**  
**R50 per voertuig**

**Kampleier : Corlea en Hester de Klerk**  
**Bestuur : Francois Vivier**

**Program sal by die kamp uitgedeel word**

